

სახელმწიფო შესყიდვის შესახებ ხელშეკრულების პროექტი

ქ. თბილისი

2021 წელი

შემსყიდველი: ს.ს.ი.პ. „საქართველოს ეროვნული ბანკი“

მისამართი: თბილისი, 0114, სანაპიროს ქ. 2;

საიდენტიფიკაციო კოდი: 203 824 148.

მიმწოდებელი:

მისამართი:

საკონტაქტო ინფორმაცია:

საიდენტიფიკაციო კოდი:

საბანკო რეკვიზიტები:

ერთის მხრივ შემსყიდველი და მეორეს მხრივ, მიმწოდებელი (შემდგომში - „მხარეები“) ელექტრონული ტენდერის (სატენდერო განცხადება NAT_____) ჩატარების შედეგად, დებენ წინამდებარე სახელმწიფო შესყიდვის შესახებ ხელშეკრულებას გამარტივებული შესყიდვის საშუალებით, „სახელმწიფო შესყიდვების შესახებ“ კანონის მე-10¹ მუხლის, მე-3 პუნქტის „თ“ ქვეპუნქტის და საქართველოს მთავრობის 2014 წლის 6 თებერვლის №121 დადგენილების საფუძველზე შემდეგზე:

1. ხელშეკრულების საგანი

- 1.1. წინამდებარე ხელშეკრულების საგანს წარმოადგენს მიმწოდებლის მიერ შემსყიდველისთვის მიწოდებული 2 ერთეული I კლასის მსუბუქი ავტომობილის გეგმიური ტექნიკური მომსახურების (შემდგომში „მომსახურება“) შესყიდვა ხელშეკრულების პირობების და დანართი N___-ის შესაბამისად (CPV კოდი – 50110000).
- 1.2. მომსახურება მოიცავს 150 ათას კილომეტრზე ავტომობილის ფლობის ღირებულების კომპონენტების (ტექნიკური მომსახურება და მისთვის საჭირო სახარჯი და სათადარიგო ნაწილები) მიწოდებას.

2. ხელშეკრულების შესრულების კონტროლი

- 2.1. შემსყიდველი უფლებამოსილია ხელშეკრულების შესრულების ნებისმიერ ეტაპზე განახორციელოს კონტროლი (ინსპექტირება), რომლის მიზანია მომსახურების და საქონლის შესაბამისობის დადგენა ხელშეკრულებით გათვალისწინებულ პირობებთან და შემსყიდველის მოთხოვნებთან.
- 2.2. ხელშეკრულების 2.1 პუნქტით გათვალისწინებულ კონტროლს (ინსპექტირებას) შემსყიდველის მხრიდან განახორციელებენ სეპ-ის შესყიდვების და ლოჯისტიკის დეპარტამენტის უფროსი და ან მის მიერ უფლებამოსილი პირი/პირები.
- 2.3. მიმწოდებელი ვალდებულია საკუთარი ხარჯებით უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა ან შეცვალოს უხარისხო საქონელი.

3. მომსახურების მიწოდებისა და მიღება ჩაბარების წესი

- 3.1. მიმწოდებელმა მომსახურების შემსყიდველისათვის მიწოდება უნდა განახორციელოს ეტაპობრივად, ხელშეკრულების გაფორმებიდან სავარაუდოდ 3 (სამი) წლის განმავლობაში (ვიდრე ავტომატური ფაქტიური გარბენი არ შეადგენს 150 ათას კილომეტრს), მიმწოდებლის სერვის ცენტრში (მდებარე _____).
- 3.2. მიმწოდებელმა მომსახურების თითოეული კომპონენტის გაწევა უნდა განახორციელოს შემსყიდველის შესაბამისი მიმართვის მომდევნო დღეს. მიმართვა შეიძლება განხორციელდეს ტელეფონით ან ელ ფოსტით.
- 3.3. მომსახურება ჩაითვლება მიღებულად მხოლოდ მხარეთა მიერ განსაზღვრული უფლებამოსილი პირების მიერ მიღება-ჩაბარების აქტის გაფორმების შემდეგ.
- 3.4. შემსყიდველის მხრიდან 3.2 პუნქტში აღნიშნული მიღება-ჩაბარების აქტის ხელმოწერი პირია სებ-ის შესყიდვების და ლოჯისტიკის დეპარტამენტის უფროსი.

4. ხელშეკრულების ფასი და ანგარიშსწორების წესი

- 4.1. ხელშეკრულებით გათვალისწინებული მომსახურების და საქონლის ფასები მოცემულია დანართში № __, რომელიც წარმოადგენს ხელშეკრულების განუყოფელ ნაწილს.
- 4.2. წინამდებარე ხელშეკრულებით გათვალისწინებული მომსახურების და საქონლის საერთო სავარაუდო ღირებულება შეადგენს _____ აშშ დოლარის (ექვივალენტს ლარში) („ხელშეკრულების ფასი“).
- 4.3. ხელშეკრულების ფასი მოიცავს მიმწოდებლის ყველა ხარჯსა და საქართველოს კანონმდებლობით დადგენილ ყველა გადასახადს, დღგ-ს ჩათვლით.
- 4.4. მიწოდებული საქონლის ღირებულების გადახდა ხორციელდება უნაღდო ანგარიშსწორების წესით, ლარში, მომსახურების და საქონლის ფაქტობრივი მიწოდების დღეს საქართველოს ეროვნული ბანკის მიერ დადგენილი გაცვლითი კურსით.
- 4.5. ანგარიშსწორება ხორციელდება წინამდებარე ხელშეკრულების 3.2 ქვეპუნქტის შესაბამისად მომსახურების მიღებიდან და მიმწოდებლის მიერ სათანადო დოკუმენტაციის (საგადასახადო ა/ფაქტურა და ა.შ.) წარმოდგენიდან (იმისდამიხედვით რომელი უფრო გვიან მოხდება) არაუმეტეს 10 (ათი) სამუშაო დღის განმავლობაში.

5. მხარეთა უფლება-მოვალეობები

- 5.1. შემსყიდველს უფლება აქვს მიიღოს მიმწოდებლის მიერ ჯეროვნად, კეთილსინდისიერად, დათქმულ დროსა და ადგილას მიწოდებული შესყიდვის ობიექტი.
- 5.2. შემსყიდველი ვალდებულია გადაუხადოს მიმწოდებელს დანართ N ____-ში გათვალისწინებული ფაქტიურად მიწოდებული მომსახურების ღირებულება, ხელშეკრულებით გათვალისწინებული პირობების შესაბამისად.
- 5.3. მიმწოდებელი ვალდებულია ჯეროვნად, კეთილსინდისიერად, დათქმულ დროსა და ადგილას მიაწოდოს შემსყიდველს ხელშეკრულებით გათვალისწინებული შესყიდვის ობიექტი.
- 5.4. მიმწოდებელს უფლება აქვს მიწოდებული მომსახურების სანაცვლოდ მიიღოს მისი ღირებულება.

6. გარანტია

- 6.1. წინამდებარე ხელშეკრულებით გათვალისწინებული სახარჯი მასალების და სათადარიგო ნაწილების საგარანტიო ვადა შეადგენს დანართ N ____-ში მათი გამოცვლისათვის მითითებულ პერიოდს (კილომეტრაჟს), მაგალითად: ძრავის ზეთის და ფილტრის გამოცვლა - 10000 კმ, ჰაერი ფილტრი - 20000კმ და ა.შ.

6.2. იმ შემთხვევაში, თუ 6.1 პუნქტში მითითებული პერიოდების განმავლობაში საჭირო გახდება სახარჯი მასალების და სათადარიგო ნაწილების არაგეგმიური შეცვლა მათი მწყობრიდან გამოსვლის და/ან საექსპლუატაციო თვისებების დაკარგვის (ცვეთის უკიდურესი ზღვარის მიღწევის) გამო, მიმწოდებელი ვალდებულია საკუთარი ხარჯებით გამოცვალოს უვარგისი სახარჯი მასალები და სათადარიგო ნაწილები, 1 (ერთი) დღის ვადაში შემსყიდველის შესაბამისი მიმართვიდან.

6.3. მიმწოდებლის მიერ ამ მუხლით გათვალისწინებული ვალდებულებების შეუსრულებლობა, არაჯეროვნად ან დაგვიანებით შესრულება გამოიწვევს მის პასუხისმგებლობას წინამდებარე ხელშეკრულების მე-7 მუხლის შესაბამისად.

7. მხარეთა პასუხისმგებლობა ხელშეკრულების პირობების შეუსრულებლობისათვის

7.1. მიმწოდებლის მიერ ხელშეკრულებით ნაკისრი ვალდებულებების შეუსრულებლობის შემთხვევაში, შემსყიდველი უფლებამოსილია დააკისროს მას პირგასამტეხლო ხელშეკრულების ფასის 20%-ის ოდენობით.

7.2. მიმწოდებლის მიერ ხელშეკრულებით ნაკისრი ვალდებულებების არაჯეროვნად ან დაგვიანებით შესრულების შემთხვევაში, შემსყიდველი უფლებამოსილია დააკისროს მას პირგასამტეხლო შეუსრულებელი ვალდებულების 0,02%-ის ოდენობით, ყოველი ვადაგადაცილებული დღისათვის.

7.3. საჯარიმო სანქციების გადახდა შესაძლებელია მოხდეს მიმწოდებლისთვის ასანაზღაურებელი თანხიდან გამოქვითვის საშუალებით.

7.4. გადახდის ვადის გადაცილების შემთხვევაში მიმწოდებელი უფლებამოსილია დააკისროს შემსყიდველს პირგასამტეხლოს გადახდა ყოველ ვადაგადაცილებულ დღეზე გადასახდელი თანხის 0,02%-ის ოდენობით.

7.5. საჯარიმო სანქციების გადახდა არ ათავისუფლებს არცერთ მხარეს ძირითადი ვალდებულებების შესრულებისაგან.

7.6. იმ შემთხვევაში, თუ 7.2 პუნქტით გათვალისწინებული საჯარიმო სანქციების ჯამური ოდენობა შეადგენს ხელშეკრულების ფასის 1%-ს, შემსყიდველი უფლებამოსილია ცალმხრივად გაწყვიტოს ხელშეკრულება მეორე მხარის მიერ ვალდებულებების შეუსრულებლობის მოტივით. ამ შემთხვევაში გამოყენებული იქნება 7.1 პუნქტით გათვალისწინებული სანქციები.

7.7. ამ მუხლში ნახსენები ვალდებულებები გულისხმობს, ასევე, საგარანტიო ვალდებულებებსაც.

8. ხელშეკრულებაში ცვლილების შეტანა და ხელშეკრულების შეწყვეტა

8.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

8.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა.

8.3. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

8.4. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

8.5. ხელშეკრულების ერთ-ერთი მხარის მიერ ხელშეკრულების პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

8.6. მხარე ვალდებულია 8.5. პუნქტით გათვალისწინებულ გადაწყვეტილების მიღების განზრახვის შესახებ არანაკლებ 5 კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.

8.7. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

9. დაუძლეველი ძალა

9.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

9.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან;

9.3. მხარეთა პასუხისმგებლობა და ვალდებულებები განახლდება დაუძლეველი ძალის მოქმედების დასრულებისთანავე.

10. დავები და მათი გადაწყვეტის წესი

10.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

11. ხელშეკრულების მოქმედების ვადა

11.1. ხელშეკრულება ძალაში შედის ხელმოწერის დღიდან და მოქმედებს სულ მცირე 30 დღის განმავლობაში ხელშეკრულების შესრულებიდან, მაგრამ არაუგვიანეს 2025 წლის 31 დეკემბრისა.

11.2. ხელშეკრულების მოქმედების ვადა დასრულდება 11.1 პუნქტში აღნიშნულ ვადაზე ადრე იმ შემთხვევაში თუ ავტომატურად ფაქტიური გარბენი მიაღწევს 150 ათას კილომეტრს.

12. ზოგადი დებულებები

12.1. არც ერთ მხარეს არა აქვს უფლება, მეორე მხარისაგან წერილობითი თანხმობის გარეშე თავისი უფლებები ან ვალდებულებანი გაასხვისოს ან გადასცეს მესამე პირებს.

12.2. მხარეები თანხმდებიან, რომ ის ურთიერთობანი, რომელიც არ იქნა რეგულირებული წინამდებარე ხელშეკრულებით, რეგულირებული უნდა იყოს საქართველოს კანონმდებლობით დადგენილი წესით.

12.3. ხელშეკრულება შედგენილია ქართულ ენაზე და დამოწმებულია მხარეთა კალიფიციური ელექტრონული ხელმოწერით/შტამპით.

მხარეები არსებითად ეთანხმებიან ხელშეკრულების პირობებს და ყოველივე ზემოთქმულის დასტურად გააფორმეს წინამდებარე ხელშეკრულება საქართველოს კანონმდებლობის შესაბამისად, ამ დოკუმენტის თავში მითითებულ დღესა და წელს.

შემსყიდველის მხრიდან:

(უფლებამოსილი პირის სახელი, გვარი,
ხელმოწერა და თანამდებობა)

მიმწოდებლის მხრიდან:

(უფლებამოსილი პირის სახელი, გვარი,
ხელმოწერა და თანამდებობა)